



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola II. Gregorii Papae I. Ad Colvmbvm Episcopvm Nvmidiaae. De Paulo
episcopo Gennadii calumniis exposito.

urn:nbn:de:hbz:466:1-15221

EPISTOLAM fraternitatis vestræ harum latore diacono vestro deferente suscepimus, in qua nobis de persona Pauli episcopi, quæ apud vos acta sunt indicastis. Quod tam sero factum est, vt persona ipsa hic iam valisset minime reperiri. Nam & vir excellentissimus filius noster Gennadius patricius suum ad nos pro causa eadem cancellarium destinavit. Sed dum fecissemus inquiri, vtrum cum eo nobis coram positis vellet inire conflictum, respondit ad hæc se minime fuisse transmissum, sed solummodo tres quosdam huc de eius ecclesia deduxisse, qui contra eum plurima dicere debuissent. Dum ergo neque illum ad inferendas actiones paratum inuenimus, neque personarum illarum nos qualitas mouit, quod in accusatione episcopi valuissent idonei reperiri, sapedito Paulo episcopo ad urbem se regiam relaxari debuisse precibus speranti non potuimus contradictionis moras afferre, sed mox eum secundum petitionem suam cum aliis duobus secum deductis episcopis ambulare permisimus. Si qua ergo fore, quæ contra eum dici rationabiliter poterant, mox eo huc veniente, vestra debuit, quod nunc fecit, fraternitas cuncta subtiliter indicare. Quod enim multorum vos inimicitias ob hoc quod nostris vos frequentius visitamus epistolis pati signastis, dubium non est, reuerendissime frater, bonos prauorum odia sustinere, diuinisque intentos operibus peruersorum aduersitatibus lacerari. Sed quanto hæc quæ sunt praua circumstant, tanto in commissi vobis cura regiminis debet instantius occupari, & circa gregis Christi vigilare custodiam, quantoque iniquorum vos contrarietas premit, tanto alacriores, ac de promissa remuneratione certissimos, pastoralis sollicitudinis cura debet accendere, quatenus pastori summo lucrum de iuncto vobis opere valeatis offerre.